

RENATI FIDE NON OPERIBVS *Iustificantur.*

Credidit, & vixit Paulus: tibi vita Dauides
Sola fuit fidei zona: tibi que Petre.
Scilicet ergo fides seruat, non facta, renatos,
Sola facit iustos, non bene facta, fides.
Credidit, & dixit Paulus, num credimus illi?
Dat noua corda fides: fit tibi, Paule, fides.
Facta vigore carent, sunt imperfecta: nec audent
Vel fora, cum veniet, ferre, vel ora Dei.
Audet sacra fides ad sanctum stare tribunal:
Ad fora, cum veniet, nec timet ire Dei.
Sic timidi agiunt fulgorem montis Hebraei:
Sic tenebrae lucem: sic bene facta Deum.
Ergo fides Christi comes est: comes ille salutis:
Sic ubi certa fides est, ibi certa salus.
In cruce pendenti vitam dedit illa latroni:
A cruce in Elysios quam via dulcis agros?
Vixit adhuc moriens qui Christo credit, & illi
Non rediuiua vetus sed noua vita datur.
Do tibi Christus ait, quia credis, scemina, vitam:
Et dedit, & dixit quem penes illa fuit.
Oblatam, si credis, habes Nicodeme salutem,
Nec moriere diu, si moriari Deo.
Firma tuae fidei vegeto stat robore forma.
Fundatam scopulo non quatit vnda domum.
Aura nequit terras quassare: procella mouere
In Christo positam non queat vlla fidem.
Saepe pij peccant, & habet sua murmura Moses,
Nec promissa potest ergo videre sola.
Prodigiosa renatus habet periuria Petrus:
Idolum Solomon: & sua stupra Dauid.
Ergo malum sancti faciunt, & saepe? queuntne
Expectare bonum, qui meruere malum?
Sancta facis, fateor: Sanctos quasi praemia caelos
Sancta merentur, ais. Sed facis, aio, malum.
Si mala cum sanctis trutina ponantur in vna,
Lanx bene facta leuat, quam male facta premunt.
Quod bene sanctus agis, tua non est actio, sancte,
Hoc agit omne Deus, quod bene sanctus agit.
Multa facit quae non debet: quae debet, omittit,
Et mala saepe facit, & bona saepe male.
Non opus est factis. Messias seruat. In illo
Si viuente fides est, moriente salus.
Sola fides Abraham fecit, non facta, beatum,
Ille tamen toto corde renatus erat.
Viuiere si det opus, si seruet: & irrita, Christus
Quae promissit, erunt: irrita, nostra fides.
Sic meritum Christi minuetur: gloria patris:
Hoc, si iustificent, dant bene facta, malum.
Viuiere si det opus, via non erit vnica vitae:
Vna sed est: ergo viuere non dat opus.
Sic Deus est vnus: sic spiritus vnus & idem:
Sic caput est vnum: sic erit vna salus
Ergo fides iustos reddit, non facta: solentque.
Sola renatorum iustificare fides.

PAPISTAE AD PIETATIS EXERCITIA *sunt cogendi.*

ERgon' aberrantes, sine vi, sine voce Papistas
A grege Christe tuo sic patiemur, oues?
Absit: & inuitos in ouile, gregemque per aures
Ad tua, more canum, verba trahamus eos.
Sic vi fessor equum: sic verbere pastor, arator,
Ille boues cogit quod velit: alter oues.
Impunes princeps qui sic finet esse Papistas,
Illorum sceleris fautor & author erit.
Scilicet haeretici cum sint, erroribus haerent,
Haeresis in caelo non habet vlla locum.
Vita viae verae comes est, via vera salutis,
Error inest illis: non erit ergo salus.
Sic solet esse Papista sibi que, suaeque saluti
Hostis, & in veram non redit vltro viam.
Ergo magistratus, quamuis errore furentem
Vi, si voce nequit ducere, cogat eum.
Sic solet insanus vinclis, & verbere cogi,
Cui finit apponi pharmaca nulla furor:
Debet & haereticus vinclis & carcere plecti,
Qui negat ad veram sponte redire viam.
Ergo magistratus, quasi pharmacapola, Papistis
Applicet inuitis pharmaca, verba Dei.
Sic olim caecis Donatistae erroribus acti,
Ad tempus veram deseruere fidem:
Sed redire tamen, cum punirentur: & illis
Corda renata dedit, & renouata Deus.
Stigma notamque sui qui gestat, habetque: magistri,
Ad dominum seruus cogitur erro suum.
Baptismoque Papista, Dei quasi stigmatem, notus,
Ad Dominum cur non cogitur ire suum?
Iussit adire Deus cenam plerosque. Recusant.
E vicis alios iussit adire Deus.
Cum locus esset adhuc: ex angustibus omnes
Quos reperit, cenam cogit adire Deus.
Sic iubet errantes vicisque, viisque Papistas
Inuitos cenam Christus adire suam.
Sponte negant, inquis: debent idcirco coacti
Ad diuina sacra templa venire Dei.
Ergo rebellantes cur sic finis esse Papistas?
Morte, Baal, famulos plexit Elia tuos.
Paulus ocellorum visu priuauit, & visu
(Sic mulctandus erit pseudopropheta) Magum.
Fulmine stratus erat, priuatus lumine Saulus;
Sic venerande soles Christe vocare tuos.
Ergo magistratus, sit fidus Elia Papistis,
Mulctet eos vinclis, carcere, morte premat.
Quos bene Christus amat, morbis affligit eisdem,
Et male punit eos quos bene Christus amat.
Scilicet ut poena domiti, victique dolore,
Ad te confugiant, & tua verba, Deus.
Sic queat haeticos ita poena domare Papistas,
Ut noua corda petant: & meliora putent.
Poena dolere facit, quos sic inuat haeresis: & quos
Non pudet erroris, poena pigere facit.
Sponte negant, ergo debent non sponte Papistae
Ad studium verae religionis agi.